



ԳԵՐԱՇՆՈՐՀ Տ. ՎԱՀԱՆ ԵՊԻՍԿՈՊՈՍ ՏԵՐՅԱՆ



Նորապսակ Տ. Վահան եպիսկոպոս Տեր-
յանը (Գալեմտերյանը), ավագանի անունով
Անդրանիկ, ծնվել է 1928 թվականի օգոստոսի
13-ին, պատմական Անտիոքի մոտ, Մի-
ջերկրականի ափին, Քեսարի շրջանի Գալա-
տուրան գյուղում: Նրա հայրն ու մայրը բա-
րեպաշտ մարդիկ են եղել և իրենց երեխա-

լին դաստիարակել եկեղեցասիրությամբ և
բարեպաշտությամբ:

Փոքր հասակում Անդրանիկը նախնական
կրթությունն ստանում է Գալատուրան գյուղի
եկեղեցուն կից Մեսրոպյան ազգային ուսում-
նարանում, որի 7-րդ դասարանն ավարտե-
լուց հետո, 1943 թվականին, դիմում է Ան-
թիլիասի դպրեվանքը՝ հոգևորական դառնա-
լու որոշումով:

1945 թվականին Բեյրութում նա տեղեկա-
նում է, որ Ս. Էջմիածնի Հոգևոր Ճեմարանը
վերաբացվել է և երազում է լինել հայրենի-
քում ու սովորել Մայր Աթոռի նորաբաց
Հոգևոր Ճեմարանում:

1946 թվականին հայրենիք դառնալով,
նրան հաջողվում է ընդունվել Ս. Էջմիածնի
Հոգևոր Ճեմարանը, որի դասընթացն ավար-
տում է 1950 թվականին: Դեռևս Ճեմարանի
Ա լսարանի ուսանող, նա, հոգեւույս Տ. Գևորգ
Ջ Հայրապետի բարեհաճ կարգադրությամբ,
1949 թվականին սարկավագ է ձեռնադրվում:

Հոգեւույս Հայրապետը, 1951 թվականին,
եկեղեցա-պատմական և աստվածաբանական
գիտությունների մեջ խորանալու համար,
Անդրանիկ սարկավագին երկու ընկերների
հետ ուղարկում է Մոսկվայի ուսական
հոգևոր ճեմարանը, որտեղ նա սովորում է
երկու տարի:

1954 թվականի սեպտեմբերի 12-ին, Խաչ-
վերացի տոնի օրը, Անդրանիկ սարկավագը
կուսակրոն քահանա է ձեռնադրվում Տ. Վա-
հան արքեպիսկոպոս Կոստանյանի ձեռքով,
վերանվանվելով Վահան արքեպ:

1956—1957 թվականներին, մեկ տարի, Վահան արեղան վարում է Վրաստանի հայոց թեմի առաջնորդական փոխանորդի պաշտոնը:

1956 թվականի հոկտեմբերի 6-ին, Ս. Էջմիածնի Մայր Տաճարում, նորին Ս. Օծություն Ս. Ս. Վազգեն Ա Հայրապետից ստանում է վարդապետական աստիճան:

1957 թվականի նոյեմբերի 4-ին նշանակվում է Արարատյան թեմի առաջնորդական փոխանորդ, պաշտոն, որը մինչև այսօր վարում է ձեռնհասորեն:

1964 թվականի մայիսի 30-ին Վահան վարդապետն ստանում է ծայրագույն վարդապետական գավազանի իշխանություն Ամենայն Հայոց Վեհափառ Հայրապետից, որպես թեղ ներկայացնելով «Ս. Էջմիածնի դպրոցի պատմությունը Դ դարից մինչև ի դարը»:

Վահան վարդապետը մնալուն կերպով աշխատակցել է «Էջմիածին» ամսագրին պատ-

մա-բանասիրական հոդվածներով: Նա վերջերս անդամ է ընտրված «Էջմիածին» ամսագրի խմբագրական մարմնի:

Վեհափառ Հայրապետը, գնահատելով Վահան ծայրագույն վարդապետի ծառայությունը Արարատյան թեմում, նոյեմբերի 29-ին ձեռնադրեց նրան եպիսկոպոս, միջնորդություն մը Գերագույն Հոգևոր Խորհրդի և թեմական խորհրդի:

Նորապսակ Ս. Վահան եպիսկոպոս Տերյանը գտնվում է իր ուժերի զարգացման շրջանում:

«Էջմիածին» ամսագրի խմբագրությունը, ջերմորեն շնորհավորելով նրան, վստահություն է հայտնում, որ Ս. Վահան եպիսկոպոսը իր հետագա վարչական և գրական գործունեությամբ կարգարացնի Ամենայն Հայոց Վեհափառ Հայրապետի բարձր վստահությունը և յուրովսանն կծառայի Մայր Աթոռին և Հայաստանյայց Եկեղեցուն:

